

**Rakyat Perlu Kekalkan Keamanan – Rosmah  
Bernama  
09 Mei, 2012**

TANAH MERAH, 9 Mei (Bernama) -- Isteri Perdana Menteri Datin Seri Rosmah Mansor meminta rakyat membantu mengekalkan keamanan negara supaya kerajaan dapat memberi tumpuan kepada aspek membangunkan negara untuk kesejahteraan hidup rakyat berbilang kaum.

Beliau turut menasihatkan rakyat agar terus memperkukuhkan perpaduan.

"Tuan-tuan dan puan-puan, kalau ada orang ajak anak-anak kita pergi demonstrasi di Kuala Lumpur, tolonglah jangan beri.

"Kalau negara kita dalam keadaan huru-hara, pelabur pun tak nak datang, pelancong pun tak nak datang, apabila negara tidak ada pendapatan, ini akan merugikan kita," katanya ketika berucap merasmikan Karnival Rakyat Tanah Merah di Sekolah Menengah Kebangsaan Tanah Merah (1) di sini.

Rosmah dalam pada itu berkata rakyat Kelantan perlu memberi sokongan kepada Barisan Nasional (BN) untuk memerintah Kelantan pada Pilihan Raya Umum Ke-13 akan datang.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=664928>